

## **Principi na kojima je zasnovan Nacrt zakona o budžetu institucija Bosne i Hercegovine i međunarodnih obaveza Bosne i Hercegovine za 2023. godinu**

Nacrt zakona o budžetu institucija Bosne i Hercegovine i međunarodnih obaveza Bosne i Hercegovine zasnovan je na principu ustavnosti i zakonitosti, pod kojim podrazumijevamo usklađenost Budžeta sa relevantnim odredbama Ustava Bosne i Hercegovine, Zakona o Fiskalnom savjetu u Bosni i Hercegovini, Zakona o finansiranju institucija Bosne i Hercegovine, te ostalim zakonskim rješenjima kojima se osiguravaju sredstva za finansiranje institucija Bosne i Hercegovine.

Nacrt zakona o budžetu institucija Bosne i Hercegovine i međunarodnih obaveza Bosne i Hercegovine za 2023. godinu zasnovan je i na principu fiskalne odgovornosti prema kojem je Budžet institucija Bosne i Hercegovine predložen na način da se postigne fiskalna održivost uz uvažavanje uvjeta da se omogući nesmetano funkcioniranje institucija Bosne i Hercegovine.

Nacrt zakona je pripremljen na osnovu ukupnog okvira za finansiranje institucija Bosne i Hercegovine za 2023. godinu, utvrđenog Globalnim okvirom fiskalnog bilansa i politika u Bosni i Hercegovini za period 2023.-2025. godina koji je Fiskalno vijeće Bosne i Hercegovine usvojilo na sjednici održanoj 6.3.2023. godine.

Također, Budžet je zasnovan na principu planiranja kapitalnih investicija za održavanje i rekonstrukciju mostova na granici sa Republikom Hrvatskom i Republikom Srbijom, rekonstrukciju i sanaciju krova zgrade Parlamentarne skupštine Bosne i Hercegovine, sanaciju, te izgradnju objekata za smještaj zaposlenih (Terenski ured Granične policije Jug-Čapljina i Zračna luka Banja Luka), nabavku objekata za smještaj Državne agencije za istrage i zaštitu, te Uprave za indirektno oporezivanje u Banja Luci, koje će srednjoročno gledano dovesti do modernizacije i poboljšanja uslova rada i dr.

Budžet je zasnovan i na principu uravnoteženosti prema kojem su prihodi, finansiranje i primici jednaki planiranim rashodima u 2023. godini.

Princip racionalnosti upravljanja kadrovima također je jedan od principa na kojima je zasnovan Nacrt zakona, koji se ogleda u utvrđivanju okvira ukupnog broja zaposlenih u institucijama Bosne i Hercegovine, kojim se kontroliše ukupno zapošljavanje u institucijama Bosne i Hercegovine.